

2026. URTEKO DIRULAGUNTZA

ESKORIATZAKO UDALA

ETA

KOLDOTXO LUIS EZEIZA GURASO ELKARTEA

ESKU79156dc8-1d2f-4b4c-8ea4-999a747abdb8

Kodea	W23/0002	Udala	ESKORIATZA	
CUDO	000.0034.AAAACYD2.8.8DA8			
URL	https://uzt.gipuzkoa.eus/PortalV/r/eu/34/AAAACYD28.8DA8			
Dokumentu honen baliotasuna egiaztatzeko goiko Webgunean sar zaitetz edo QR irudia irakurri ezazu				



BILDUTAKOAK

ALDE BATETIK, Edorta Zubizarreta Alegria, Eskoriatzako Udaleko alkatea.

ETA BESTETIK Larraitz Garai Zapata, Koldotxo guraso elkarteko diruzaina

PARTE HARTZEN DUTE

Edorta Zubizarreta Alegria jaunak ESKORIATZAKO UDALAREN izenean eta ordezkartzan.

Larraitz Garai Zapata, Koldotxo guraso elkarteko ordezkartzan, bertako diruzaina denez, eta zuzendaritza batzordeak horretarako ahalmena emanda.

Alde biek aitortzen diote elkarri hitzarmen hau sinatzeko gaitasuna.

ADIERAZTEN DUTE

2023ko abenduaren 21ean, Eskoriatzako Udalaren 2024-2027 Dirulaguntzen Plan Estrategikoa onartu zen. Plan horretan ildo estrategikoak jasotzen dira, eta horietako seigarrena Hezkuntza Sustatzea da

Lerro horren E programa Koldotxo guraso elkarteari diruz laguntzeko da. Helburua da Luis Ezeiza Herri Eskolaren 55. urteurreneko ospakizuneko ekintzak garatzen laguntzea hezkuntza komunitatea indartzeko.

Eskoriatzako Udaleko 2026ko aurrekontuetan 5.000 euroko dirulaguntza izenduna aurreikusten da, 0400.481.323.60.01 partidaren kargura.

Azaroaren 17ko 38/2003 Dirulaguntzen Lege Orokorreko 22. artikuluan, besteak beste, jasotzen da dirulaguntza zuzentzat joko direla toki erakundearen aurrekontuetan nominatiboki aurreikusita daudenak, eta laguntzak ematerakoan horiek arautzen dituzten arauetan eta hitzarmenetan jasotakoaren arabera eman beharko direla.

Dirulaguntzei buruzko azaroaren 17ko 38/2003 Lege orokorreko 22. artikuluan eta horrekin bat datozen arauetan ezarritakoaren arabera, ondorengo baldintzek arautuko duten hitzarmen hau sinatzen dute alde biek.

BALDINTZAK

LEHENENGOA.- HITZARMENAREN HELBURUA.

Hitzarmen honen helburua da 2026ko ekitaldiko udal aurrekontuan Koldotxo guraso elkartearen izenean dagoen dirulaguntza izenduna antolatzea.



BIGARRENA.- ESKORIATZAKO UDALAK EGIN BEHARREKO JARDUERAK.

Eskoriatzako Udalak konpromisoa hartzen du Koldotxo guraso elkarteari 5.000 euroko dirulaguntza emateko, 0400.481.323.60.01 aurrekontu aplikazioaren kontura Luis Ezeiza Herri Eskolaren 55. Urteurreneko hainbat gastu finantzatzen laguntzeko, honako hauek hain zuzen ere, Alarma Morea taldearen kontzertua, Perlata taldearen kontzertua eta musika ekipoak

HIRUGARRENA.- KOLDOTXO GURASO ELKARTEAREN BETEBEHARRAK.

- Eguneko plangintzan zehaztea ze jarduera egiteko erabiliko den dirulaguntza.
- Dirulaguntza ematea eragin duten baldintzak bete direla justifikatzea.
- Dirulaguntza emateko kontuan hartu den edozein gorabehera aldatuz gero, horren berri ematea Udalari.
- Udalak egin beharreko egiaztatze jardunak onartzea, bai eta eskuduntza izendaturik duten kontrol organoek -estatukoak nahiz erkidegokoek- egin ditzaketen egiaztatze eta finantza kontrolerako beste edozein ere, eta jardun horiek egiterakoan errekeritzen zaien informazio guztia ematea.
- Diruz lagundutako jarduera finantzatzeko beste dirulaguntza, laguntza, diru sarrera edo bitarteko batzuk lortu baditu, Udalari jakinaraztea. Laguntza horien berri izan eta berehala egin beharko da jakinarazpena, eta edozelan ere, diru-funtsak zertarako erabili diren justifikatu baino lehen.
- Zerga betebeharra egunean izatea hitzarmena sinatu baino lehen eta hitzarmenaren indarraldiak dirauen bitartean. Horretarako, hitzarmen hau sinatzearekin, Gipuzkoako Foru Aldundian edo eskuduntzak dituen beste erakunde edo administrazio publikoren batean dagozkion ziurtagiriak telematikoki lortzeko baimena ematen zaio, berariaz, Eskoriatzako Udalari, baita dirulaguntzaren azkenengo zatia ordaindu baino lehen ere.
- Jarduerarekin, proiektuarekin edo programarekin lotutako iragarki eta komunikazioetan ez erabiltzea ez hizkera ez irudi sexistarik.
- Behar beste baimen lortzea diruz lagundu beharreko jarduera garatzeko, eta baimenon xedapenak betetzea.
- Jarduera eta ikuskizun publikoen antolaketari buruz indarrean dagoen legedia betetzea, eta baita dagokion jarduera eremuari aplikatu dakiokeen estatuko edo erkidegoko gainerako legedia ere.
- Koldotxo Guraso elkarteak bere zerbitzua eskaintzeko kontratatzen dituen enpresetako langileek adin txikikoekin lan egin behar baldin badute, 8/2021 Legea betez, sexu delituengatik zigor aurreakaririk ez dutela egiaztatu beharko dute. Ziurtagiri horrek gehienez 6 hilabeteko antzintasuna izan beharko du.
- Adikzioen eta Droga Mendekotasunen gaineko Arreta Integralari buruzko 1/2016 Legean ezarritako neurriak betez, edari alkoholduen eta tabakoaren publizitatea, sustapena, hornidura, salmenta eta kontsumoa mugatu beharko da, bereziki adingabeei zuzendutako jarduerak direnean.

Koldotxo Guraso elkarteak joko da diruz lagundutako jardueraren antolatzaile bakartzat, eta beraz, bera izango da erantzule zibil bakarria jarduera horren garapen normal edo anormaletik erator daitekeen ondare-erreklamazioari aurre egiteko. Edozein modutan ere, egon daitezkeen erreklamazioetatik salbuetsita geldituko da Udala.

EUSKARAREN ARLOAN

Herriarren hizkuntza eskubideak errespetatzearen Koldotxo Guraso elkarteak ondorengo urratsak emateko konpromisoa hartzen du euskararen normalizazioaren alde:



- Herriarrentzako idatzizko komunikazioak (publizitatea, egitarauak, kartelak, oharra, prezioak, ...) euskaraz edo ele bietan egingo dira. Ele bietan eginez gero, lehentasuna emango zaio euskarazko testuari (kokapena, tamaina...).
- Haur eta gazteei zuzendutako ekintzak euskaraz izango dira; eta bi hizkuntza ofizialetan hitz egiten duten pertsonak jarriko dira ekintza horien aurkezpenetan, zaintza lanetan eta abarretan.
- Gainerako ekintzen ahozko adierazpenak euskaraz edo ele bietan izango dira, euskarazkoari lehentasuna emanez.
- Girotze musikarik jarri gero, euskarazko musikaren presentzia bermatuko da.

KOMUNIKAZIO ARLOAN

Jarduerak sorrarazitako dokumentazio eta inprimatutako propaganda guztietan, Udalak diruz lagundutako ekintza dela adierazi beharko du Koldotxo guraso elkarteak.

EMAKUMEEN ETA GIZONEN ARTEKO BERDINTASUNA.

Koldotxo guraso elkarteak konpromisoa hartzen du dirulaguntza gauzatu eta justifikatzeko aurkeztuko dituen memoria eta txostenetan onuradunei edo erabiltzaileei eta diruz lagundutako proiektua gauzatzen duten langileei buruzko datu estatistiko guztiak aurkezteko, sexuaren eta adinaren arabera bereizita, ehunekoetan adierazita, dirulaguntzak ze herriarrengan duen eragina jakin ahal izateko.

Proiektua edo jarduera gauzatzean sortzen den dokumentazio, publizitate, irudi edo material orotan, hizkuntza eta irudi inklusiboa eta ez-sexista erabili beharko da, emakumeen irudi diskriminatzaileak edo estereotipo sexistak saihestuz, eta berdintasun, presentzia orekatu, aniztasun, erantzunkidetasun eta genero-rol eta -identitate aniztasun balioak sustatu.

LAUGARRENA.- BESTE LAGUNTZA BATZUEKIN PILATZEKO AUKERA ETA FINANTZAZIO MUGAK.

Emandako dirulaguntza bateragarria izango da helburu bererako Udalak edota beste erakunde publiko edo pribatuak emandako dirulaguntzarekin. Hala ere, inolaz ezin izango da onartu gain-finantzaziorik. Horrelakorik gertatuz gero, emandako dirulaguntza murriztu egingo da diruz lagundutako ekintzaren kostu totalaren mugara.

BOSTGARRENA.- DIRULAGUNTZA ORDAINTEKO EPEAK.

Dirulaguntza modu honetara ordainduko da:

% 60a, hau da, 3.000 euro, hitzarmen hau sinatu ondoren.

% 40a, hau da, 2.000 euro, dirulaguntzaren kitapena eta justifikazioa aurkeztu ondoren, 6. baldintzan eskatutako dokumentazioa aurkeztuta, betiere, **uztailaren 31a baino lehen.**



SEIGARRENA.- DIRULAGUNTZAREN JUSTIFIKAZIOA.

2026ko UZTAILAREN 31a baino lehen , Koldotxo guraso elkarteak ondorengo dokumentazioa aurkeztuko du **modu digitalean**:

- Eskaera orria.
- **Jardueraren memoria xehatua.**
- Diru sarreren eta gastuen balantzea, hasieran aurkeztutako aurrekontuari egokitu dela egiaztatzeko.
- Hasieran aurkeztutako aurrekontuari balantzea zein neurritan egokitu zaion egiaztatzeko, justifikazioarekin batera hasierako aurrekontuarekiko balantzeak izandako desbideraketa taula aurkeztu beharko da, eta desbideraketarik izanez gero, horiek justifikatzeko txostena ere egin beharko da.
- Gastuen zerrenda sailkatua honako hauekin: hartzekodunaren identifikazioa, faktura zenbakia edo froga-balio baliokidea duen dokumentua, zenbatekoa, fakturaren data eta ordainketa eguna.
- Ziurtagiri bat diruz lagundutako jarduerarako jasotako dirulaguntzei eta gainerako sarrerei buruz, horiek balantzean jasota edo jaso gabe egotea kontuan hartu gabe. Ziurtagiri horrek dirulaguntza jaso duen jarduera finantzatzeko egon diren bestelako diru-sarrera eta dirulaguntzen xehetasunak jaso beharko ditu, zenbat diru eta zein erakundetatik jaso den zehaztuz.
- Dokumentazio grafikoa (kartelak, liburuxkak, libretoak, banatutako idatzizko materiala, prentsa oharrak eta abar).
- Hizkuntza datuak (euskaraz egindako ekintza eta aurkezpenen zerrenda)
- Partehartzaileen datuak

Kasu guztietan, honela justifikatuko dira gastuak:

Jardueragatik egindako gastuen jatorrizko fakturak.

Fakturen edo ordainagirien data jardueraren exekuzio aldiaren barruan egon beharko da. Exekuzio aldia baino lehenagoko data duten fakturak bakarrik onartuko dira programaren jarduerak garatzeko aurrez ordaindu behar izanez gero.

Era berean, fakturek, gutxienez, honako hauek izan beharko dituzte:

- Koldotxo guraso elkartearen identifikazioa.
- Enpresa kontratistaren edo hornitzailearen identifikazioa.
- Data.
- Horniketa edo zerbitzua sortzen duen jarduera.
- Horniduraren edo zerbitzuaren behar besteko deskribapena.



ZAZPIGARRENA.- KONFIDENTZIALITASUNA ETA DATU PERTSONALEN PROZESAMENDUA.

Eskoriatzako Udalak beharrezko neurriak hartuko ditu bere langileek hitzarmen honetan jasotakoa garatzerakoan informazio konfidentziala -eta bereziki, informazio pertsonala- erabili behar izanez gero, indarrean dagoen araudiaren arabera dagokien edozein betebeharrari bete eta araudi hori erabat errespetatu dezaten. Indarrean dagoen araudia esaten denean, bereziki, datu pertsonalak babesteko lege organikoa eta hori garatzeko erregelamendua esan nahi da.

Horretarako, langile horiek konfidentziasuna eta sekretu profesional betebeharrari lotuta gelditzen dira eta eskuratutako informazioa bakarrik hitzarmen honetan aurreikusitako helburuetarako erabiliko dute.

ZORTZIGARRENA.- JARRAIPEN BATZORDEA.

Bi aldeek beharrezkotzat jotzen dute hitzarmenaren jarraipen taldea eratzea, alde bakoitzeko ordezkariak osatuko dutena. Aurreikusitakoa eta hartutako konpromisoak betetzen direla zainduko du taldeak eta, orokorrean, etorkizunean gerta litezkeen auziaz arduratuko da.

Batzorde horretako kide izango dira:

- Udalaren aldetik: kultura teknikaria eta kultura batzordeburua edo berak eskuordetutako pertsona
- Koldotxo guraso elkartearen aldetik LEHENDAKARIA ETA KONTUHARTZAILEA

BEDERATZIGARRENA - HITZARMENA SUNTSITZEA.

Hitzarmen hau alde biek hala adosten dutenean suntsituko da. Era berean, alderen batek baldintzetakoren bat betetzen ez duenean ere suntsitu egingo da, betiere, hilabete aurretik alde horri kontratua suntsituko dela era fede-emailean jakinarazi eta gero.

HAMARGARRENA.- IZAERA.

Hitzarmen honen aplikaziotik, interpretaziotik, aldaketatik, ondorioetatik eta ebazpenetik auziak edo eztabaidak sortuko balira, administrazioarekiko auzien jurisdikzioa arautzen duen uztailaren 13ko 29/1998 Legeak dioenaren arabera ebatziko dira.

Eta, ados daudela adierazteko, alde biek hitzarmen hau sinatzen dute ondorio bakarrerako, goiburuan adierazitako lekuan eta egunean.



EKS | CSV: ESKU79156dc8-1d2f-4b4c-8ea4-999a747abdb8

Egiaztatu dokumentu honen osotasuna eta sinadura hurrengo URL edo QR kodean sartuz: <https://udal.egoitza.gipuzkoa.eus?De=03410>

Compruebe la integridad y firma de este documento, accediendo a la siguiente URL o código QR: <https://udal.egoitza.gipuzkoa.eus?De=03410>

Sinaduren laburpena / Resumen de firmas

Titulua / Título:

2026TDIR0001-HITZARMENA/CONTRATO ()